



UNIVERSITÄTS-
BIBLIOTHEK
PADERBORN

Universitätsbibliothek Paderborn

Linda Mariana, Sive De B. Virgine Lindensi

Clagius, Thomas

Coloniae Vbiorvm, 1659

XVII. Beneficium idem, etjam à Catholica Ecclesia alienis, per B. virg.
Lindensem praestitum.

urn:nbn:de:hbz:466:1-11544

Lindensem profecturam se, & munus delaturam voti
Statim ab oculis, omnis illa infestantis ardoris vehementi
disparuit, caligo fugata est, & oculi ad capiendam lucem
vegetiores redditi. Votum pie solvit Anno MD CXXIII.

V.

Juvenis, periculosâ oculos caligine suffusus, votum
Lindam factò perfanatur.

Quo loco, ac fere tempore Lindensem historiam
Ciaritius scribebat, id, quod ipse refert, accidit; ut
fortasse oculatus, possit videri testis. Bisteni enim res
accidit pridie Cal. Majas Anni MD CXXIII. & ille,
Bisteniitidem iplis Martii Calendis Anni MD CXXVI
Regi Sigismundo historiam ab se scriptam dicavit.
Rem porro, de qua agimus, ita perstrinxit. *Juvenis qui-*
dam Brunsbergensis, sutoris maniceps, dum Bischoffsteini
Sutrinae dat operam, insperatò illi oculi caligine, obfuscan-
tur; ita ut duarum septimanarum intervallo viderit omni-
no nihil, & perpetuam timuerit cecitatem. Quamprimum
verò ad Marianam Lindam votum prastitit, mox integri-
rimè visum recepit; beneque oculis sanus votum reddidit
XXX. April. MD CXXIII.

C A P U T XVII.

Idem beneficium, etiam à Catholica Ecclesia alienis, per B. V. Lindensem, prastitum.

AT que hæc, alia que id genus beneficia, Catholica
à Deipara fuisse concessa, haud sanè mirum videri
possit; quid enim filiis Mater benignissima nega-
queat? Illud fortasse mirum videatur, quòd eadem
alienis quoque exhibeat. Quidni enim ab illa alienis

qui à Catholica Filii ipsius Ecclesie ita sejuncti? Neque tamen istos piissima misericordiarum parens despicit; quò & ipsi aliquando semetiplos respiciant, & ad verè lumen Ecclesie tandem recipiant; neque externis duntaxat, verum & interioribus animi oculis ritè deinceps fungantur; eveniatque illud, quod à Deipara precari Ecclesie solet, *solve vincla reis, profer lumen cæcis*. Quidni verò Deipara, ad Filii sui exemplum, omnibus omnia, in imaginibus quoque suis fiat? Jam olim, quemadmodum Baronius ad Annum 870. memorat. *Prope Damascum imago B. Virginis in ligno picta diu stetit: denique evanescentibus paulatim coloribus, successit carozita ut imago carnea simul & lignea esset, vel certè incarnatum lignum. Insuper oleum balsamo fragrantius manus imaginis dedit, non Christianis modò, sed & Hebrais, Mauris, & Saracenis salubre. Idea Atlantis Mariani pag. 120.*

I.

Puer voto à matre, ad B. V. Lindensem edito, lucem simul & vitam, propè amissam, recipit.

Narratur id à Ciaririo hunc in modum: *Laboraverat lethali egritudine, Georgius, Friderici Serige filius in Zandersdorff. coloni, qui pagus ad Hospitale Landspergense spectat: cui iam ante immodica suffusio sanguinis, lumen oculorum eripuerat, & immaturè à morte luctum parentibus reliquerat. Iustina mater deploratam salutem filii videns, ad vota convertitur, filiumque, si reviviscat, ad B. V. Lindensem laturam, & munus solenne addituram, quàm maximè potest pietate, spondet. Inter*
banc

banc maternam votorum curam, cæperunt artus pueri morte iam frigentes, vitali calore denudè impleri, & amari: ipse moveri, oscitare & integris oculis lucem rursum contueri, ad vitam perfectè revocatus. Exiit gaudio mater recepto filio vivo, & sano; vota DEO, ac B.V. MARIE facta, læta sine mora solvit.

II.

Mulier ad extremam fere cæcitatem perducta, voto ad B.V. Lindensem concepto, sanata.

Anno MDCXXII. inquit Ciaritius, XVIII. Augusti, Margareta mulier vidua ex pago Coia, libertinorum Territorii Drenckfurtensis, hic votum solvit. Fatebatur (quod & pater illius, qui unà venerat, vir provec̄ta ætate constanter assererat) se diuturno ac vehemèti capitis dolore, ad extremas fere oculorum tenebras perductam fuisse. Voto B. MARIE Virgini ad Tiliam factò, dolorem omnem cessasse; oculos cacutire omnino desisse: & ad B.V. Lindensem, nullotens ductore, sine quo nuspiam antè progredi poterat, venisse testabatur. DEO, beatissimaque Virgini MARIE, demisè gratias actis, gratulabunda domum removit.

III.

Textor Silesius, à gravi oculorum dolore, & propemodum cæcitate, curatur.

*Matthias Hoffman, Textor Silesius, ut idem Author narrat, domicilium habens in Kamionka pago, Anno ex-eunte MDCXXII. tetro oculorum dolore correptus, ipsam propemodum incurerat cæcitatem: ita ut trimèni-
bdomadatum spatium, ne ex propinquo quidem, vel videri
vel liquido discernere quidquam potuerit. Demum, ut
lamitosorum mos est, ad vota confugit; & se Oratorum*

MARIÆ Virginis Lindensis visitaturum promisit. Nec
frustranea fuit votivæ promissio, vedit enim subito oculo-
rum lumen. Voti nexibus se expedivit MDCXXIII, die XVI.
Aprilis.

IV.

Homo, ex profano Cingarorum genere, Lindam à
luis deductus, lumen, quod amiserat, subito
recepit.

Ex vagabundo illo hominum genere, sic enim rem
Claritius perceret, qui se Cyngaros, seu Cyrenaos falso
appellant, quidã non postrema nota per acutã oculorũ vexa-
tione eò redactus fuerat, ut de iis retinendis omnino despe-
raret. Tandem post varia, nihilquẽ iuvantia adhibita medi-
camenta, aut sua sponte incitatus, aut à quibusdam piis ho-
minibus submonitus, ad B. Virginis hoc Oratorium, grandi-
cum Cereo, se profecturum devovit. Ducitur igitur à tur-
ma Cingarorum ad locum sacrum, diem non videns, &
deductorem sequens. Suscepit JESUS, per Matris gloriose
interventionem, hominis votum precesquẽ. Confestim enim
pristina oculorum sanitas illi reddita est. Ille DEUM sup-
pliciter adorat, B. V. MARIÆ humiles agit gratias, letus
discedit. Certè non levia Cyngarus hic videbatur pii, &
grati animi signa edere, ut & ceteri illius comites, qui co-
piosa stipe in eleemosynarium stipitem iniectã, frequen-
ter se s. locum adituros, & gloriam DEI, qui in eo mira
operatur, ubique locorum de prædicaturos affirmarunt. Ac-
cidit MDCXXII. Illimet homines Anno MDCXXIV. velum
insigne e. Serica contextum, ad sacrum Oratorium venera-
bundi detulerunt.

CAPUT